

## Netzball vom 2018

Im Netzball hämmers guet mitenand und eusi zweu treue Mitstriterinnen vom STV Wettige sind au immer debie. De Usfall vo de Karin merked mir scho und wüssed au, dass mir mit de Erika und de Elfriede es super Los zoge händ – denn so simmer doch immer wieder gnueg i de Halle zum spiele und chönd mit ihne zäme viel lache.

Die zweu sind au mit de Mannschaft Wettige/Würelos uf Eschebach as Netzballturnier und det het d'Mannschaft de erschti Platz gholt. En Chürbischorb händ's gwunne – wo's spöter denn emol es feins Süppli gäh het. Dur mini Operation bin ich i dere Ziit echli usklinkt gsi, aber es wird jo immer beser und nächschi Spielsaison chan ich denn au wieder mitspiele..

Für die jetztigi Meischterschaft häts bereits zwoi Spielöbig gha – händ zwar noni viel Pünkt gholt aber mir sind zuversichtlich und holed sicher denn im März a de Rückrundi das wo no fehlt. Mir gsänd jo denn womer i de Ranglischte stönd.

Bis zu dem Ziitpunkt träffed mir eus immer wieder i de Halle und händ de Plausch mitenand.

Helga